

कैला देवी चालीसा

|| दोहा ||

जय जय कैला मात है तुम्हे नमाउ माथ ॥
शरण पट्ठ में चरण में जोड़ दोनों हाथ ॥

|| चौपाई ॥

जय जय जय कैला महारानी | नमो नमो जगदम्ब भवानी | 1 |
सब जग की हो भाग्य विधाता | आदि शक्ति तू सबकी माता | 2 |

दोनों बहिना सबसे न्यारी | महिमा अपरम्पार तुम्हारी | 3 |
शोभा सदन सकल गुणखानी | वैद पूराणन माँही बखानी | 4 |

जय हो मात करौली वाली | शत प्रणाम कालीसिल वाली | 5 |
ज्वालाजी में ज्योति तुम्हारी | हिंगलाज में तू महतारी | 6 |

तू ही नई सैमरी वाली | तू चामुंडा तू कंकाली | 7 |
नगर कोट में तू ही विराजे | विध्यांचल में तू ही राजे | 8 |

घोलागढ़ बेलौन तू माता | वैष्णवदेवी जग विख्याता | 9 |
नव दुर्गा तू मात भवानी | चामुंडा मंशा कल्याणी | 10 |

जय जय सूर्ये चोले वाली | जय काली कलकत्ते वाली | 11 |
तू ही लक्ष्मी तू ही ब्रह्माणी | पार्वती तू ही इन्द्राणी | 12 |

सरस्वती तू विध्या दाता | तू ही है संतोषी माता | 13 |
अन्नपुर्णा तू जग पालक | मात पिता तू ही हम बालक | 14 |

ता राधा तू सावित्री | तारा मतंगिंग गायत्री | 15 |
तू ही आदि सुंदरी अम्बा | मात चर्चिका हे जगदम्बा | 16 |

एक हाथ में खण्डर राजै | दूजे हाथ त्रिशूल विराजै | 17 |
काली सिल पै दानव मारे | राजा नल के कारज सारे | 18 |

शुभ्म निशुभ्म नसावनि हारी | महिषासुर को मारनवारी | 19 |
रक्तबीज रण बीच पछारो | शंखा सुर तैने संहारो | 20 |

ऊँचे नीचे पर्वत वारी | करती माता सिंह सवारी | 21 |
ध्वजा तेरी ऊपर फहरावे | तीन लोक में यश फैलावे | 22 |

अष्ट प्रहर माँ नौबत बाजै | चाँदी के चौतरा विराजै | 23 |
लांगुर घट्टअन चलै भवन में | मात राज तेरौ त्रिभुवन में | 24 |

घनन घनन घन घंटा बाजत | ब्रह्मा विष्णु देव सब ध्यावत | 25 |
अगनित दीप जले मंदिर में | ज्योति जलै तेरी घर – घर में | 26 |

चौसठ जोगिन आंगन नाचत | बामन भैरों अस्तुति गावत | 27 |
देव दनुज गन्धर्व व किन्नर | भुत पिशाच नाग नारी नर | 28 |

सब मिल माता तोय मनावे | रात दिन तेरे गुण गावे | 29 |
जो तेरा बोले जैकारा | होय मात उसका निस्तारा | 30 |

मना मनौती आकर घर सै | जात लगा जो तोंकू परसै | 31 |
ध्वजा नारियल भेंट चढ़ावे | गुंगर लौंग सो ज्योति जलावै | 32 |

हलुआ पूरी भोग लगावै | रोली मेहंदी फूल चढ़ावे | 33 |
जो लांगुरिया गोद खिलावै | धन बल विध्या बुद्धि पावै | 34 |

जो माँ को जागरण करावै | चाँदी को सिर छत्र धरावै | 35 |
जीवन भर सारे सुख पावै | यश गौरव दुनिया में छावै | 36 |

जो भभूत मस्तक पै लगावे | भुत प्रेत न वाय सतावै | 37 |
जो कैला चालीसा पड़ता | नित्य नियम से इसे सुमरता | 38 |

मन वांछित वह फल को पाता | दुःख दारिद्र नष्ट हो जाता | 39 |
गोविन्द शिशु है शरण तुम्हारी | रक्षा कर कैला महतारी | 40 |

|| दोहा ||

संवत तत्व गुण नभ भुज सुन्दर रविवार |
पौष सुदी दौज शुभ पूर्ण भयो यह कार ||

॥ इति कैला देवी चालीसा समाप्त ॥